


有部 毘 柰 耶

才二十二

三百十八
而二

49927



元祿九年丙子二月日重脩

皇國聖

帝藏綴昌

佛日增輝

懋輪常轉

山城州天安寺法金剛院置

皇國聖
帝藏綴昌

根本說一切有部毗奈耶卷第二十二 而

唐三藏法師 義淨奉 制譯

出納求利學處第十九

爾時薄伽梵在室羅伐城逝多林給孤獨園
遠近皆聞中國有佛出現於世彼諸聲聞弟
子有大神通作諸變化廣說如止若有人能
於彼弟子作供養者得大果報饒益增廣是
時北方有諸賈客聞此聲譽自相謂曰諸君
當知我等宜往中國興易一則多得利潤二
乃供養三寶時諸賈人遂即多賣北方貨物
往趣中國漸至室羅伐於此城中有一露形
外道善識天文妙閑筭記聞有賈客從北方



來作如是念我今試往觀問賈人或容於彼
少有所獲即取相書占察前事觀知賈主父
母名字及所持貨得利多多少便詣賈主所告
言善來善來某甲賈主汝父名某甲母名某
甲將如是貨來詣此方某日得介許利賈主
聞已作如是念我比曾聞世尊弟子大有神
變騰烟澍雨此即其人賈主既生敬信便以
北方朱色毛綵并北方竒菓盛滿器中手自
持奉彼既得已即便被綵往同徒處彼伴見
已問曰汝於何處得此貴價上好物來報言
北方賈客我往看之爲說父母名字彼心信
敬見惠於我同徒告曰仁者我等常被沙門

釋子之所輕憚。每告我曰：汝等曾不親近貴勝好人，但惟狎習傭力賤品，旃荼羅類。仁今宜可被此貴服，往詣沙門釋子之處，刺彼心。膏荅曰：如是時露形外道，即被毛紵往逝多林時。鄔波難陀於逝多林門經行遊適，遙見彼來，便作是念：外道被者是好貴物，我若不

能得此物者，不復更名鄔波難陀矣。既漸相近，問言：外道，汝今豈可新歸俗耶？荅言：我不歸俗。若如是者，何被此衣？報言：北方膏賓客，我為說彼眷屬名字，既懷敬重用，此相施。鄔波難陀曰：此非善事，此非善事，豈容年邁衰朽為破戒耶？宜應暫坐，聊聽法要。時彼外道隨

言即坐時鄔波難陀以歡喜心爲其說法若
鄔波難陀爲他宣說捨施法時彼婆羅門諸
居士等皆欲割自身肉持以相施鄔波難陀
因說法次而告之曰外道汝之大師性愛麤
弊教汝門徒露形披髮多行少住常卧于地
若汝大師情所愛樂好衣食者當許汝著價
直千萬上妙之衣百味飲食隨意餐噉所住
房舍價當五千由彼狹情不見容許我之大
師情懷廣大許我弟子著萬價衣餐百味食
所居房舍數直五千若汝被此貴價好服行
乞食者信敬之人作如是念今此外道身行
破戒至於飲食難以供身汝此上衣宜應與

我我有毛綵持以相換我當被著巡家乞食
若淨信人來問於我大德何處獲此上衣我
當荅彼有露形人姓名某甲輟已相施彼便
知汝是深信人汝乞食時彼若見者當以酒
糟盛滿銅器供養於汝時彼露形聞是語已
便生信喜作如是言大德鄔波難陀若如是
者可取此衣鄔波難陀即呪願曰無病長壽
然汝徒黨貧苦是常聞汝施時還令相奪彼
言大德此之毛綵豈彼物耶是我自由幸無
見慮鄔波難陀曰若如是者我當為受既受
得已即便與一鹿鞭毛綵時彼外道被之而
去至同梵行邊彼便問曰仁者何處更得此

衣即報彼曰他與我換問言是誰荅大德鄔
波難陀共我迴易彼聞皆怒報言仁者此之
釋子常思殺我餘雖見欺不同六衆六人之
內無越鄔波難陀仁若施與餘大德者我亦
隨喜而鄔波難陀欲飲我血將衣施彼誰堪
忍耶即宜往索若得者善若不得者我同擯
汝移汝坐處覆汝食器不相共語彼便怕怖
往鄔波難陀所鄔波難陀旣遙見來即作是
念看此外道舉動形勢必當奪我上好毛綖
便急入房閉戶而住外道旣至扣門相喚鄔
波難陀默然不對諸苾芻見問言外道汝何
須見鄔波難陀報言將我毛綖故來相覓苾

芻報曰汝若欲得舊毛綫者往世尊所求哀
歸向時彼外道往詣佛所尔時世尊遙見外
道來告諸苾芻曰汝等見彼外道來不白佛
言見佛言彼為毛綫故來若索得者善若不
得者便歐熱血而致命終外道來至佛所作
如是言大德鄒波難陀取我毛綫唯願世尊
慈悲哀愍令彼還我若不還者我等同梵行
者擯斥於我如前具說尔時世尊告具壽阿
難陀曰汝自往告鄒波難陀願汝無病仍告
之曰汝當還彼外道毛綫若不還者此之外
道當歐熱血而取命終時具壽阿難陀奉佛
教已往鄒波難陀所時彼遙見作如是念看

此外道將佛侍者以爲使人必當見奪我
毛髮時具壽阿難陀報鄔波難陀曰具壽世
尊願汝無病鄔波難陀聞是語已即從座起
報言我今敬禮無上世尊阿難陀曰世尊有
教宜當見還外道毛髮若能還者斯曰善哉
若不還者此之外道當歐熱血而取命終
鄔波難陀曰敬奉佛教豈敢有違若非佛教遣
我還者汝令外道滿贍部洲數如竹筴甘蔗
皆歐熱血一時命終我鄔波難陀一毛不動
具壽阿難陀可去我當還彼便語外道曰汝
之大師先行妄語欺誑世間彼命終已墮在
無間大地獄中在彼舌上有五百犁晝夜耕

墾汝今妄語更倍於彼當有千犁常耕汝舌
鴈波難陀曰汝已著我毛綫汝物我曾不用
外道荅言我亦不著時鴈波難陀取彼毛綫
解其結處禰為四疊安左手中右手掇拍遂
令其綫悉皆碎破報外道曰汝舒兩手便以
毛綫連頭揔搭遂便倒地便蹴其脅語言外
道急去急去勿令糞穢汗我任處外道報言
大德我今命存得出去者更不敢入逝多園
林此是緣起然佛世尊尚未制戒

尔時六衆苾芻種種出息或取或與或生或
質以成取成以未成取成以成取未成以未
成取未成言取者謂即收取他方愛樂所有

貨物載運將去覓防守人立諸券契是名爲
取言與者謂與他物八日十日等而立契證
是名爲與言生者謂是生利與他少物多取
穀麥或加五或一倍二倍等貯畜并斗立其
券契是名爲生言質者謂取寶珠等同前立
契求好保證與其財物是名爲質言成取成
者謂以金銀等器取他成器言未成取成者
謂以金鋌取他金器言成取未成謂以金器
取他金鋌言以未成取未成者謂以金鋌取
他碎金苾芻如是交易以求其利時諸外道
見是事已皆生嫌賤云何沙門釋子出物求
利與俗何殊誰能與彼衣食而相供給諸苾

芻聞具以白佛佛言廣說如上乃至制其學
處應如是說

若復苾芻種種出納求利者泥薩祇波逸底
迦言苾芻者謂是六衆言種種者謂非一事
出納求利者謂作取與生貪而覓利潤得捨
墮罪者作法廣說如上此中犯相者若苾芻
爲求利故收聚貨物作諸方便驅馳車乘往
詣他方立契保人持輸稅物乃至未得利來
但惡作罪若得利時便招捨墮若苾芻爲求
利故以諸財貨金銀等物出與他人共立契
保乃至得罪如前廣說若苾芻爲求生利將
諸財穀舉與他人升斗校量共立契證乃至

得罪如前廣說苾芻爲求利故納取珍寶真
珠貝玉計時取利不得利亦如上說若苾
芻爲利故以已衣換他衣求換之時得惡作
罪得犯捨墮又復世尊在廣嚴城狒猴池側
重閣堂中於此城中栗姑毗等自所住宅皆
高六重七重見諸苾芻所居界下即便爲造
高六七重嚴好房舍其舍經久多並隕壞施
主見已咸作是念我等現存寺皆破壞命過
之後其欲如何我等宜應施無盡物令其營
造便持施物到苾芻所報言聖者此是無盡
施物爲擬修補當可受之諸苾芻報曰世尊
制戒我不合受時諸苾芻以緣白佛佛告諸

苾芻若爲僧伽有所營造受無盡物然苾芻
毗訶羅應三重作若苾芻尼應兩重作時諸
苾芻得無盡物置房庫中時施主來問言聖
者何意毗訶羅仍不修補苾芻報言賢首爲
無錢物主曰我豈不施無盡物耶報言賢首
其無盡物我豈食之安僧庫中今皆現在施
主報曰其無盡物不合如是我之家中豈無
安處何不迴易求生利耶苾芻報曰佛遮我
等不許求利時諸苾芻以此因緣具白世尊
世尊告曰若爲僧伽應求利潤聞佛語已諸
有信心婆羅門居士等爲佛法僧故施無盡
物此三寶物亦應迴轉求利所得利物還於

三寶而作供養時諸苾芻還將此物與彼施
主索利之時多與諍競便作是語聖者豈我
已物生鬪諍耶時諸苾芻以此因緣具白世
尊世尊告曰不應共彼而作出息復共富貴
者而爲出息索物之時恃官勢故不肯相還
佛言不應共此而作交易復共貧人而爲出
息索時無物佛言若與物時應可分明兩倍
納質書其券契并立保證記其年月安上座
名及授事人字假令信心鄔波索迦受五學
處亦應兩倍而納其質又無犯者謂最初犯
人或癡狂心亂痛惱所纏

販賣學處第二十

佛在室羅伐城逝多林給孤獨園時六衆苾芻種種交易取與買賣時諸外道各起嫌賤此諸沙門釋子不生厭離而於今者爲交易事取與賣買此禿沙門與諸俗人有何異處誰復能於此禿人處沙門釋子以諸飲食而興供養時諸苾芻以此因緣具白世尊世尊以此因緣集苾芻僧訶責六衆廣說如前乃至我今制其學處應如是說

若復苾芻種種賣買者泥薩祇波逸底迦若復苾芻者謂六衆也種種者謂非一事取與賣買者取諸餘處物賤此處物貴即從彼取來也與者謂此處賤餘處貴即從此持去豐

時買取儉時當賣尼薩祇者廣如前說此中
犯者苾芻為利故而作賣買買時惡作賣時
捨墮若為利故買不為利賣買時惡作賣時
無犯若不為利買為利故賣買時無犯賣時
捨墮不為利買不為利賣二俱無犯若向餘
方買物而去元不求利到處賣時雖復得利
而無有犯又無犯者謂初犯人或癡狂心亂
痛惱所纏

第三攝頌曰

二鉢二織師

奪衣并急施

阿蘭若雨衣

迴僧七日藥

得長鉢過十日分別學處第二十一

佛在室羅伐城逝多林給孤獨園時鄔波難陀作如是念所有我等求利之處佛悉制戒遂令我等求覓無由所有利養因斯斷絕憂愁而住時有六十人出遊園觀欲爲譙會時鄔波難陀見而生念若於此輩不獲財物者我不更名鄔波難陀矣即便取一好鉢圓滿光淨堪受用者以袋盛之置於腋下詣譙會所對彼一人爲其說法令生深信彼旣信已問言聖者何意至此鄔波難陀曰賢首我爲鉢來報言我今無鉢若有買處買以相施時鄔波難陀便於腋下抽出其鉢而呈示之問曰如此之鉢價直幾多荅曰直六十迦利沙

波拏彼言我與六十迦利沙波拏仁當自買
鴈波難陀報曰賢首願汝長命無病今此施
物爲莊嚴心是心資助是定資糧得勝上果
於人天中常爲法器如是六十人人別各乞
六十迦利沙波拏便捨而去時彼諸人各讚
會已詳集一處時有一人告諸人曰君等隨

喜我於向見聖者鴈波難陀釋種出家爲大
法將善閑三藏無礙辯才我以六十迦利沙
波拏用充鉢價時彼諸人聞此語已咸言我
亦施彼六十迦利沙波拏便共議曰君等頗
知若一苾芻可須幾鉢各云不知時有苾芻
從此而過諸人問言聖者若一苾芻可須幾

鉢荅曰惟須一鉢時彼聞已共生嫌賤沙門
釋子多貪利養此是緣起尚未制戒時六衆
苾芻多得長鉢不自受用亦復不與諸餘苾
芻少欲苾芻見已嫌賤云何苾芻多畜長鉢
不自受用亦不與人以此因緣具白世尊佛
以此緣集苾芻衆訶責六衆苾芻云何汝等
多畜長鉢廣說如上乃至應如是說
若復苾芻畜長鉢過十日不分別者泥薩祇
波逸底迦

苾芻者謂六衆等過十日者謂過十夜長鉢
者除守持鉢餘者名長畜者作屬已心若更
畜者得捨墮罪捨之法式如上廣說

此中犯相其事云何若苾芻月一日得鉢於
十日內應持應分別應捨應與他如是次第
及以超間如初衣戒中廣說其事乃至捨之
法式皆悉同前若小若白色或爲擬與欲受
戒人者無犯又無犯者謂初犯人或癡狂心
亂痛惱所纏

乞鉢學處第二十二

佛在室羅伐城逝多林給孤獨園於此城中
有一賣香童子有一好鉢圓滿光淨堪得受
用有乞食苾芻於日初分入城乞食巡至市
中賣香童子見而告曰聖者我有好鉢堪得
受用必若須者隨意持將苾芻報曰我現有

鉢童子曰若餘苾芻有須鉢者幸可遣來答
言可尔時彼苾芻乞得食已還逝多林食訖
洗器告諸苾芻曰具壽某處鋪上有賣香人
有一好鉢若須鉢者可往取之時鄔波難陀
去斯不遠聞此語聲便作是念我宜訶彼乞
食苾芻更莫傳說勿令黑鉢之徒聞斯語已
跳走而去便告乞食者曰具壽食信心食更
無別言但肆貪心惟論衣鉢乞食之人作如
是念世間多求常貪覓者鄔波難陀即是一
數此聞我語尚致譏訶若更有餘耆年宿德
聞我此言更重訶叱即便默尔不復敢言時
鄔波難陀告乞食者曰具壽汝親教師是我

知識由此緣故我遂見訶勿懷悒恨彼便答
曰大德我若更言願重訶責鄔波難陀曰具
壽我尚未善審聽如何說云鉢與非鉢大德
若未曉了何因見責雖然汝可更爲說彼童
子任在何處報言彼人任在某鋪有一好鉢
極堪受用彼囑我云若有須鉢苾芻當遣來
買鄔波難陀曰我聽此言猶未詳審作是語
已即著僧伽胝疾行而去詣彼市中時彼童
子遙見急行作如是念我今觀彼豪使苾芻
威勢麤猛必來至此奪我鉢將即便取鉢深
置床下時鄔波難陀遙見藏舉報言賢首何
故藏鉢即便展手自取其鉢而呪願曰願汝

無病長壽廣說如前童子報曰聖者我與易
人以利活命不以虛言而即相與可疇價將
去報曰汝今豈可賣仙人之器乎說伽他曰
若人施瓦器 當獲於金鉢 此報定不虛
何故生憂苦

童子曰聖者縱出多言非價不可鄔波難陀
曰汝今慳惜此鉢當來必墮大癭鬼中當惡
語時有一長者來至其所口云敬禮大德鄔
波難陀時鄔波難陀即便報曰賢首誰當須
汝空禮拜耶長者荅曰何曾聖者所出言教
我不依隨告曰若如是者可買此鉢持以施
我長者即便問童子曰此鉢直價幾多荅言

尔許長者曰所論價直我後當還是時童子
即便以鉢授與長者長者取鉢奉施邬波難
陀邬波難陀即受其鉢呪願六願得長命無
病乃至於人天中常為法器廣說如上長者
便去邬波難陀報童子曰癡人汝言謂我邬
波難陀不能乞得少許鉢價汝今由此慳惜
鉢故必當定墮大癩鬼中童子曰何須誇誕
仁且得鉢我今獲價宜當疾去豈假多言時
邬波難陀便持此鉢入逝多林便以其鉢示
諸苾芻告言具壽此鉢何如時有少年苾芻
問邬波難陀曰大德更有餘鉢不報言有若
如是者現有一鉢合更求餘邬波難陀曰我

以脚踏怨家項上更畜餘鉢少年問曰大德
豈可有怨家乎鄔波難陀曰汝即是我第一
怨家由汝不許我畜二鉢少欲苾芻聞是語
已共生嫌賤云何苾芻現有一鉢而更求餘
即以此事具白世尊世尊以此因緣集諸苾
芻問鄔波難陀廣說如前種種訶責已告諸
苾芻從今已去苾芻若現有鉢更不應求時
有乞食苾芻其鉢有孔便持此鉢入城乞食
有人施麩即以鉢袋盛之次得濕飯以鉢而
受孔中漿出便濕其麩復汗鉢囊有多蒼蠅
徧皆附繞諸小男女隨逐而行告言聖者曾
修多眷屬業如大賈主長者貴人多諸徒衆

之所圍繞蒼蠅眷屬亦復如是時給孤獨長者見諸童子報言汝等何故調弄聖者童子荅曰我等豈敢輒為調弄然此聖者昔日曾修多眷屬業譬如賈主長者貴人衆所圍繞隨從蒼蠅亦復如是長者聞已告苾芻曰聖者於佛世尊端嚴教中而為出家何因作此著耻之事苾芻報曰作何耻辱然佛世尊制諸苾芻現有一鉢更不應求長者曰聖者豈可唯畜如此穿壞鉢耶諸苾芻聞以事白佛佛言諸苾芻若鉢有孔應可補治時諸苾芻便以五種鎔濕之物謂黑糖黃蠟紫礦鉛錫著熱物時即便脫落時諸苾芻以事白佛佛

言不應用此而綴於鉢除此五種鎔濕之物
應作五種乾綴苾芻不知何者爲五佛言看
孔大小應以丁釘或於孔內安鐵鑠打之或
安鐵鑠四邊丁釘或作摩竭魚齒或安屑末
苾芻不知用何屑末佛言有二種屑末謂鐵
末石末鐵鉢瓦鉢如次應用苾芻以水研末
安鉢孔中尋便墮落佛言應用油研安其孔
內諸苾芻依教作已以猛火燒亦還墮落或
火太微亦復還墮佛言應處中燒燒已澁鞭
佛言應以物揩摩苾芻以水揩摩補物墮落
佛言油拭方揩若鉢有細孔以沙糖和泥徧
塗孔處准法燒之若鉢有罅應鑿作孔以鍋

綴之是名綴鉢法佛令苾芻五種綴鉢時有
乞食苾芻失手墮鉢便爲五片時彼苾芻多
鑽爲孔以細繩連綴持將乞食佛言凡是鉢
者當須淨洗彼便解綴洗繩淨已還復繫綴
遂致終日廢修善品餘苾芻見告言具壽汝
但以此解而復綴踈洗鉢器爲善品耶報言

具壽如佛所制若鉢破者應爲五種乾綴時
諸苾芻以事白佛佛言若鉢難得隨意修理
若易得處應可棄之更覓好者尔時世尊讚
歎持戒廣說如前乃至爲諸苾芻制其學處
應如是說

若復苾芻有鉢減五綴堪得受用爲好故更

求餘鉢得者泥薩祇波逸底迦彼苾芻應於
衆中捨此鉢取衆中最下鉢與彼苾芻報言
此鉢還汝不應守持不應分別亦不施人應
自審詳徐徐受用乃至破來應護持此是其法
若復苾芻者謂六衆也餘義如上減五綴者
謂不滿五綴也堪受用者謂得守持爲好故
更求餘鉢者爲欲貪好更求第二鉢好謂勝
妙也得者謂求得入手泥薩祇者廣說如上
彼苾芻者謂是犯人彼苾芻應於衆中捨此
鉢者當於衆中應差一苾芻令行有犯鉢若
無五德不應差若差不應令作云何爲五有
愛恚怖癡不知行與不行若具五德未差應

差差已令作云何爲五反上應知應如是
鳴犍稚集衆僧先問能不汝某甲能與僧伽
行有犯鉢不彼答言能次一苾芻作白羯磨
如是應作廣如百

一羯磨

佛言行有犯鉢苾芻所有行法我今說之其
苾芻應在和合衆中作如是白大德我苾芻
某甲當行有犯鉢諸具壽明日各各自持已
鉢來至僧中既至明日行鉢苾芻敷座鳴犍
稚諸苾芻各持已鉢往至僧中時行鉢苾芻
應持其鉢向上座前立讚歎其鉢上座此鉢
清淨圓滿堪得受用若欲得者隨意應取若
其上座取此鉢者行鉢之人應取上座舊鉢

轉與第二上座若不取者轉與第三第三取
時上座更索初索不應與第二索亦不應與
第三索應與上座得越法罪如法應悔如是
乃至大眾行末最小者取此鉢時行末第三
方索鉢者其法與上座相似乃至行了所得
一鉢行鉢苾芻應持此鉢付彼苾芻作如是
語苾芻此鉢不應守持不應分別亦不與人
庠審徐徐如法而用乃至破壞此是其法如
行鉢苾芻不依法行者得越法罪佛言得鉢
苾芻所有行法我今當制應畜二鉢袋好者
應安長鉢不好者應安舊鉢若乞食時應將
二鉢得乾飯者著長鉢中若得濕餅著舊鉢

中至住處已作曼荼羅安置二鉢應於舊鉢
中食已應先洗長鉢次洗舊鉢如是乃至曬
曝安置皆以長鉢爲先若內安龕及火熏時
皆於好處先安長鉢若道行時舊鉢遣人持
長鉢當自持無人爲擎者長鉢安在左肩舊
鉢應安右畔自持而去若得鉢苾芻於此行
法不依行者得越法罪此之治罰乃至盡形
或至破來應好守護得泥薩祇者廣如上說
此中犯相其事云何若苾芻鉢破堪爲一綴
雜未安綴尚得受用更求餘鉢者求時犯惡
作得便捨墮若苾芻鉢破堪爲二綴雖未安
綴尚得受用更求餘鉢得罪同前如是三綴

四綴事亦如前苾芻鉢破堪爲一綴安置一綴已現得受用更求餘鉢求時惡作得便捨墮如是乃至四綴得罪亦尔若鉢堪爲五綴隨綴不綴或堪用不堪用更求餘鉢者無犯若買得或施得此亦無犯又無犯者最初犯人或癡狂心亂痛惱所纏

自乞縷使非親族織師織作衣學處第二十三佛在室羅伐城逝多林給孤獨園時鄔波難陀作是念皆由給孤獨長者制諸學處更欲勸化餅菓之直亦不能得我今宜可入大城中或容教化少有所得即於晨朝著衣持鉢入城乞食於芳林處有五百女人撚白疊線

見已便念斯等女人皆由自業無問晝夜常
執白犁辛苦勞勤輸官課稅鄔波難陀即便
就彼揔告之曰諸妹願汝皆得無病長壽時
女默然竟無一對鄔波難陀告曰諸妹當有
一法不久來至是衆多人所不愛樂咸不稱
心名之爲死當尔之時汝雖欲語求說無由
時有白色女人即從座起以座授與鄔波難
陀時鄔波難陀就座坐已女便禮拜當前而
坐鄔波難陀告曰諸妹汝等頗曾修少善事
不報言我未曾作告曰汝等不應不爲善業
此一女人具於二種善根今得增長一能於
我所生淨信心殖端正業今得增長二見我

來便起設座禮拜恭敬於當來世生貴族業
令得增長若更能施少許物者當獲珍財受
用豐足汝等諸妹何所作耶彼皆報曰我等
但知撚線而已何暇作餘事波難陀曰汝等
頗曾少作當來道路糧不答言皆未曾作
波難陀曰斯亦不善彼復問言聖者何嗟歎
耶報言諸妹汝於先世不修福業被賊劫來
今受辛苦雖得為人更不修福被賊劫去諸
女問言若尔聖者我等今時欲作何業能使
遠作當來路糧波難陀曰諸妹汝等若能
衆議同心造一大毘奉釋種內棄俗出家三
歲俱闍是大法將辯才無滯衆共知者斯即

是汝預作來世道路資糧諸女荅曰聖者我等何處能得大豐復於何處逢遇如是勝上福田鄔波難陀曰汝豈不知我是釋種棄俗出家三藏俱閑為大法將辯才無滯衆所識知汝言我何處能得大豐者汝豈不知

莫輕小施以為無福水滴雖微終盈大器

諸有智者小福常修於勝田中能招大果諸妹汝豈不能施一兩縷耶報言我能有云我施半兩有云我施一分如是乃至盡五百人咸隨喜捨鄔波難陀告曰諸妹既有捨心縷須精細彼云聖者我等皆是撚麤縷人不能精細然有一女能作細縷鄔波難陀曰試

喚來看即便喚至鄔波難陀報曰少女汝試
撚看彼即為撚鄔波難陀曰此未能善更好
撚看如是至三女人報曰聖者過此已往我
所不堪鄔波難陀曰姊妹汝等咸應如斯細
撚報曰除此少女我等不能鄔波難陀曰汝
豈不能換其作業此為撚細汝為撚麁報言
此女許者我等隨作鄔波難陀報少女曰汝
樂福者可為撚之彼便報曰聖者若撚細縷
多時方辦幸勿疾催鄔波難陀見其許已呪
願而去既經多日便來問縷諸女悉皆持縷
相施鄔波難陀既受得縷皆與呪願此之施
物是莊嚴心是心資助勝定資糧當獲人天

上妙衣服時鄔波難陀即持其縷還詣寺中
告諸苾芻曰具壽試看此縷麤細如何彼皆
報曰極妙細縷然不知大德頗謔好織師不
鄔波難陀曰豈不仁等欺輕我耶我若向者
不出家者一切伎巧無不精研何況織師而
不識謔諸人報曰豈敢相輕恐不知處若須
織師者於某坊中有健額織師并有巧婦善
能織氎若得此縷必成好衣報言善哉具壽
教處好匠者此即是仁爲我織氎鄔波難陀
遂持其縷詣織師處素非親友而說頌曰
善人騰美譽 雖遠悉知聞 如大雪山王
人皆共瞻仰 愚者守癡惑 雖近不知聞

如聞射箭時。人皆不能見。

汝今得大利益。獲大名稱。徧室羅伐城。試爲看此縷線。其狀何如。彼看報曰。大佳。縷線我若織者。當成好氎。鄔波難陀曰。賢首爲織。織師報曰。誰與我價。鄔波難陀曰。汝諸織師。價常不足。於未來世。應作路糧。時彼織師迴觀婦面。婦便告曰。仁豈不聞此之大德。深相讚歎。可宜施手。爲織氎衣。織師報曰。聖者。此縷極細。多時方得。幸勿相催。卽爲呪願而去。旣經多日。方重來看。是時織師授與其氎。時鄔波難陀受得氎。已呪願而去。還至寺中。示諸苾芻。曰。諸具壽。試看此氎。其狀何如。諸人報

言大好白氎若其更得第二張者刺作兩重
僧伽胝服省事而任修諸善品誠亦善哉
波難陀曰具壽仁等謂我無力能得第二張
耶仁等試看我今如何教化其氎晨朝著衣
持鉢便於別門入室羅伐城從他覓縷至健
額織師所廣說如前以縷相示彼言好縷我
若織者成好上氎若尔為織答言價出何人
報曰汝之織師不解修福於當來世貧窮未
休應可更為資糧之業報言聖者前為織衣
敢他飲食比來還債猶未能了今更虛作事
欲如何
波難陀觀彼婦面夫言聖者假令
婦欲我實不能
波難陀怒而告曰汝健額

織師我今指汝禿頂爲誓若我不能使汝織者我不復名鄔波難陀矣時彼織師瞋而告曰汝禿沙門我指爲誓我必不能與汝織毳鄔波難陀即便瞋怒思量而去時憍薩羅勝光大王有得意臣名曰賢善與鄔波難陀是舊知識遂行詣彼旣至門所而問之曰賢善在不報言向市時鄔波難陀即便就市覓之是時賢善在酤酒家鄔波難陀至其門所遣信入喚爲報賢善鄔波難陀要欲相見可暫出來使者報知賢善尋出即便合掌云我敬禮大德鄔波難陀時鄔波難陀告言賢善無病長壽我比謂汝常勤公事寧知閑隙得在

酒家報言聖者我因公事來至於此大德何
緣至此相覓報言我有少縷可爲織衣仁當
獲福報言我當奉蠶何勞織耶鄔波難陀曰
斯誠善事然我此縷是信心物豈虛棄耶時
彼即便命一使者報云汝去語當織人汝等
可爲大德鄔波難陀織好白蠶鄔波難陀曰
賢善此亦無勞告當織者然於某坊有一健
額織師并有巧婦可令彼織是時賢善即令
使者汝今宜往健額織師所報言賢善令織
此衣時彼使者持縷至彼告曰大臣賢善遣
將此縷可爲織衣織師見縷訖即便憶識報
使者言我之番次先已織訖時彼使人持縷

還去至賢善所具說所由賢善報曰汝去語
之今織此衣後番相放使者便去以語報知
織師荅曰大臣賢善於城中秉權有力我寧
移去不住於此誰能越次為織作耶使者還
去具以其語報賢善知賢善復更報使者曰
汝可還語當織之入令依番次為織此氎
波難陀聞已告曰餘人不能管健額者賢善
還令使者汝當更至健額之所報言為織我
還汝價使者便往鄔波難陀亦即隨出告使
者曰愚癡人誰復令汝承事王臣汝合多與
杖木令擔柴立豈容為片作務頻遣賢善勞
心汝豈不能至織師所作如是說賢善遣汝

織斯白氎若言我不能者以手縮髮拳打脊
梁若叫喚者卷其織具勿令執作若其婦女
來唱喚時急曳頭髻牽使出門而告之曰汝
今違拒賢善教令勝光大王必當罰汝五百
金錢語言愚癡人汝若能得織成此衣者彼
多與汝辛苦之直何須還往空置劬勞時彼
使者還至織師所報曰賢善作如是語汝當
爲織我酬汝價織師答曰我今不能越次織
此氎衣使者以手撮髮拳打脊梁彼即大叫
便卷織機其婦唱喚遂捉其髮曳之而去報
言汝等違拒大臣教命勝光大王必當罰汝
五百金錢婦聞是已便大驚怖告其夫曰我

等繫獄誰當救濟必嬰枷鎖而取終亡我今
宜可織此大氎織師即便報使者曰勿將我
去付彼法官我當與汝辛苦之直隨汝來心
可留其線使者留縷而去是時織師報其婦
曰賢首我今為織令其失縷復不成衣婦便
報曰看此形勢豪猛沙門若織惡衣豈肯相
放即便辛苦為織氎衣既織衣了鄔波難陀
便就彼家索取其氎織師告曰大德可不與
我飲噉直耶報言窮人從我索酒何不飲毒
及噉糟耶時彼織師便生嫌賤出毀罵言沙
門釋子造作惡行非沙門法如何自乞縷線
或因說法或假託王力令非親人織衣共相

惱亂時諸苾芻聞是語已具以白佛。爾時世尊集苾芻衆，問鄔波難陀。彼言實。爾種種訶責廣說。乃至我今制其學處，應如是說。

若復苾芻自乞縷線，使非親織。師織作衣，若得衣者，泥薩祇波逸底迦。

若復苾芻者，謂鄔波難陀餘義如上。自乞縷者，或一兩半兩等，使非親者。廣說如上。縷師者，謂客織人衣。有七種，亦如上說。若得衣者，犯捨墮捨法如上。此中犯相其事云：何苾芻從非親乞縷，使非親織，皆得惡作。得衣之時，便犯捨墮。苾芻從非親乞縷，使親織衣。乞時惡作，得衣無罪。苾芻從親乞縷，使非親織，乞

時無犯得衣捨墮苾芻從親乞縷使親而織
 二俱無犯苾芻從非親乞縷自織其蠶乞時
 惡作衣成亦惡作罪苾芻從親乞縷自織其
 蠶乞時無犯衣成惡作若酬價織者無犯又
 無犯者謂初犯人或癡狂心亂痛惱所纏

根本說一切有部毗奈耶卷第二十二 而

澍注音綖他敢反憊莫結反狎胡甲反傭音容邁莫敗反聊

察音輟已糟音遭幸上古文鞭吾更反擯必刃反

毆二同烏口反斥音尺葦于鬼反墜音懇禡之葉掇音產

摠上音窟蹴秋六反券丘願反鋌亭頂反栗上力吉反姑下昌涉反

墮徒回反恃音市販方万反蘭若下汝反長鉢上音讌於見反

拏反 互加叱反 昌吉悒音 肱反 玠反 廋反 一領 藪反 小鎔

音蠟反 郎塔礦反 俱猛綴反 知衛鏃音 屑反 先節澀鞭

容蠟反 上所立反 豐音 鑽反 子官鎬反 俱玉盍反 何塔捷稚

下吾更反 上音軋下 曬曝下 上所賣反 龕反 苦含撚反 乃典縷

直利反 呂主別反 井列健反 他達隙反 丘逆秉權二 字音縮

烏板曳反 羊逝反 劬音 撮反 七活 必嬰下 盈反 天

